

# PAPER SANZMAN KI POZITIV

**S**an ki nou bezwen annan Svanite, annou get dan mirwar leparse pour lenspirasyon e gidans, pour ed nou dan sa nouvo lepok.

O komansman, SPUP- pre-deseser nou parti, ti konsyan tou problem e difikilte ki ti devan li. SPUP ti konnen ki Seselwa ti en nasyon ki ti napa son 'nanm'. SPUP pa ti swazir semen pli fasil. Antouka nou parti i'n toultan annan de semen pour swazir ; pour swiv

tandans e kit keksoz parey, oswa al kont pour sanz sirkonstans pour anmenn plis dibyen. SPUP ti swazir sa semen pli difisil akoz i ti konsider ki i sel semen pour donn sa pep Seselwa son 'nanm' e dignite.

Pandan 13 an, SPUP, gide par Seselwa, ti fer pa par pa e mont sa montany progre avek antet en bi kler e defini ki evantyelman Seselwa pou vin en nasyon e nonpa zis en ta

dimoun ki sirkonstans i'n anvoy ansanm. Pandan sa long voyaz pour akonplir son lobzektif, SPUP ti pe ganny gide par serten prensip ki i pa'n zanmen les perdi oswa abandonen.

Atraver sa bann prensip, SPUP ti debout e rod drwa travayer. SPUP/SPPF ti retir diskriminasyon e anmenn en transformasyon sosyal kot sak Seselwa ti ganny menm sans

*(Kont...p2)*

# PA PER SANZMAN KI POZITIV

(Kont...p1)

pour fer progres.

Sa bann prensip orizinal SPUP, plis ki zanmen i relevan ozordi dan en nouvo lepok. Parti Lepep i sikseser SPUP/SPPF e i pe kontinyen donn koudmen kree en sosyete kot sakenn de nou i annan menm loportinite, menm sans, e kot personn pa pou ganny afekte dan son progres endividuel.

Parey ti lentansyon SPUP pour sak Seselwa ganny menm konmansman dan lavi, napa personn ki pou ganny plis oswa ki

merit ganny plis aköz son kouler lapo, oswa stati- sa pe kontinyen ozordi dan gouvènmàn e dan sosyete an zeneral. Nou pou fer fas avek preski menm difikilte. E nou pou reisi kot nou kapab ansanm. Nou konsyan ki pa nou tou ki pou reisi atann menn lobzektif. Sakenn son don, sakenn son domenn me menm loportinite. Dapre ou abilite, ou pou kontinyen ganny sans devlop ou ziska maksimòm.

Annou zwenn ansanm e kon-

tinjen kree sa Sesel ki nou'n toultan anvi. Parti Lepep i en gro parti politik dan Sesel. I ase for pour kontinyen lite pour drwa sak Seselwa. Annou pa les nou ganny trennen dan en kouran ki al kont sa bann prensip ki'n anmenn ou kot ete nou ozordi. Annou travay e siport Parti Lepep pour nou prop lentere. Annou montre nou bonn volonte- e kontinyen protez nou kont nou de pli gro lennmi pour fer sir ki zot pa egziste dan nou sosyete : laprovrete e linegalite.

## RESPONSABILITE KOABITASYON I LO GOUVERNMAN EK LDS

**L**opozisyon, atraver zot zournal zot pe gognard desizyon Prezidan Danny Faure pour li konsantre son zefor lo travay dan gouvènmàn pour li delivre pour pei e lepep Seselwa. Lamazorite Seselwa i'n konpran ki napa lot fason. Sesel anba en nouvo klima politik ki tre san-

sib, pa pou kapab les li ni dekile ni boulverse parey dan lezot pei. Nou pep, sirtou nou zanfan pa abitye ek enstablite e lensertid.

Dan sa koabitasyon, se gouvènmàn ek LDS ki akter prensipal. Parti Lepep pe siport sa koabitasyon. I lwayal ek Sesel ek

Seselwa e son bann prensip e polisi ki pe gid gouvènmàn. Me responsabilite politik pour fer sa koabitasyon marse, i lo zepol LDS. Olye gognarde, zot merit respekte e reponn lapel lepep Seselwa ki ti vote pour sa koabitasyon, zis parey Prezidan Faure e menm Parti Lepep pe fer.

Produced, Published by the **PARTI LEPEP.**

Tel: 428 49 00 P.O.Box 1242, Victoria, Mahe, Seychelles. Printed By **NISA PRESS.**